

光緒金華縣志



光緒金華縣志總目

卷首

敘
金華縣各區分圖
凡例
纂修姓氏

卷一

地理志第一
一 子目二

疆域
附 地理
沿革表

卷二

志地理第一
二 子目一

山川

卷三

志地理第一
三 子目三

水利
湖 塘 堰 井 橋 渡
形勝
鄉里表
附 市鎮

卷四

志建置第二
一 子目六

城池 衙署 學宮 書院 坊表 宅墓

卷五

志建置第二 二 子目二

寺觀 古蹟

卷六

志人物第三 一 子目一

科目表

學校薦舉任陸掾史攬納仕籍封贈武官武職恩賜

卷七

志人物第三 二 子目一

官師表

官職附

卷八

志人物第三 三 子目二

理學 卓行

卷九

志人物第三 四 子目五

忠烈 政事 文苑 隱逸 藝術

卷十

志人物第三 五 子目一

列女

卷十一

志人物第三 六 子目二

流寓 方外

卷十二

志食貨第四 子目六

田土 戶口 力役 賦稅 附 上貢 鹽法 蠲恤 附 恤政 物產

卷十三

志典禮第五 子目三

壇廟祠 鄉飲酒禮 講約

卷十四

志武備第六

子目二

兵制 兵變

卷十五

志藝文第七

子目二

書籍部四 金石

卷十六

志類要第八

子目五

氣候昏旦更點中星表

五行

遺事

方言

風俗

光緒金華縣志卷八

志人物第三

理學

此堯舜以來相傳之正道卽儒者之道也載於六經未嘗墜地漢人以訓詁求之而未得六朝籍爲辭章而不求唐昌黎韓氏始以理義求之而有見焉至宋濂洛諸子出遂克上接乎洙泗之傳而邑之呂何王許四先生則又得濂洛之真傳者同門同志親炙聞風總計百五十人造詣雖有淺深其學要無或異錄之俾世有所矜式焉此於戚趙諸志爲道學儒林二門道光志不立名目

宋 潘良佐

潘良貴良能良翰

潘 時

潘友端友恭友文履孫

呂本中

呂弼中大器大倫大猷大同

呂祖謙

呂祖儉

呂喬年康年延年

汪 淳

鄭宗強

王深源

葉邦

葉榮發葉霖

葉審言

湯烈唐季度季淵邵繼元

汪仲儀邵津邵度曹起宗世昌毛大年大方王萃吳周祥游玠

王師愈

王瀚

王洽

王柏

王植

王相

王似

王侃

王城

唐堯封唐仲溫唐仲義

唐仲友

倪允才

倪子俊

倪珥

倪公度

倪公武

倪公晦

倪普

潘景憲景愈景良自晦自覺

金式劉範金瀟

時鎬餘鉤銀鑣

時鎬雲涇洪

時瀾

何伯燹

何基

何鳳

潘墀

王埜

戚紹戚象祖

宋埜

夏明誠

汪大慶大章大明大亨

章如愚

聞人說

唐以仁

張衍主善匡敬讓禮

時少章時榮

何南

何欽

何宗誠宗映宗瑞

王介 紹熙元年

戚如琥如圭如玉如璧如琨

戚崇信

葉秀發秀實夢擇振祖

張垓

汪開之

康植

元聞人夢吉

唐光祖

許謙

張樞

王餘慶

蘇友龍

唐懷德

明 胡翰

朱克脩

鄭謚

葉儀

何壽朋

范祖幹

許存仁亨

汪仁壽

汪兩

汪與立

邢沂邢俛

邢旭

賈義傲應槐

姜綱

錢學孔

倪齋

朝國 尹正中

宋潘良佐祖仁長子始以儒學教授諸弟皆從受學而良貴遂以清直致大名

兩浙名賢錄

潘良貴字義榮一字子賤號默成居士祖仁次子也幼受學於兄良佐後從楊時游

政和三年以上舍生釋褐爲辟雍博士五年復應禮部試賜進士及第遷祕書郎時宰相蔡京與其子攸方以爵祿鉤知名士親故數爲京致意正色謝絕之除主客郎中尋提舉淮南東路常平靖康元年召還賜對欽宗問孰可秉鈞軸極言何桌唐恪等四人必誤社稷不可用若欲持危扶顛之相非博詢於下僚明揚於微陋不可語徹于外當國者指爲狂率黜監信州泃口排岸高宗卽位召爲左司諫既見請誅僞黨使叛命者受刃國門卽敵人不敢輕議宋鼎又乞封宗室賢者於山東河北以壯國體巡幸維揚養兵威以圖恢復黃潛善汪伯彥惡其言改除工部良貴以不得其言求去主管明道宮越數年除提點荊湖南路刑獄主管江州太平觀除考功郎遷左司奏稱陛下今日誠宜仰思祖宗創業之難二帝蒙塵之久俯念生靈塗炭之苦土地侵削之多夙寤晨興不敢少置每行一事先必念此然後發之務以合於大公至正之道勿以一毫私意曲徇人情則天下庶有休息之期呂頤浩從容謂曰旦夕相引入兩省良貴正色曰親老方欲乞外兩省官非良貴可爲進計人臣宰相進退人才以爲賢耶自當擢用何可握手密語先示恩私士大夫受其牢籠何以立朝卽日乞補外以直龍圖閣知嚴州到官兩月請祠

得主管亳州明道宮轉祕書少監遷起居郎拜中書舍人未上丁父憂服除復拜會戶部侍郎向子諲入見論京都舊事頗及珍玩良貴故善子諲是日攝起居立殿上聞其言甚怒既而子諲奏金國報聘及奠朱震事反復良久良貴徑至榻前厲聲曰子諲不宜以無益之談久煩聖聽子諲欲退上顧良貴曰是朕問之又諭子諲且款語子諲復語久不止良貴叱之退者再高宗色變闔門併彈之二人俱待罪有旨良貴放罪子諲無罪可待中丞常同言良貴無罪願許子諲補外上併怒同張九成言士大夫所以嘉子諲者以其能眷眷於善類今以子諲故逐柱史又逐中司非所以愛子諲也上意稍解批諭同同言不已於是三人俱罷而良貴得集英殿修撰提舉江州太平觀起知明州葺年除徽猷閣待制提舉亳州明道宮既歸不出者十年改參知李光被誣得罪良貴坐督與通書降二官良貴剛介清苦壯老一節出入三朝前後在官八百六十餘日爲博士時王黼張邦昌俱欲妻以女拒之後章惇欲妻以孫女約資從三百萬良貴曰娶妻以奉公姑盡婦道彼富而驕背卑屈乎峻拒之娶范氏孤女文正公後也合巹之日布席四片而已晚家居貧甚秦檜諷令求郡良貴曰從臣除授合辭免今求於宰相辭於君父不

敢爲也時發有三潘徙自括者曰富潘徙自開封者美後曰貴潘而良貴爲潘潘高宗所賜字也所居僅蔽風雨無他田園經界法行止以邱墓輪帛數尺耳其諫疏彙多焚朱熹序其集曰清明直諒確然無欲真可謂剛毅近仁者又曰三戒文磨鏡帖切中學者之病卒年五十七貧無以葬高宗賜錢五十萬後祀鄉賢弟良能字季成紹興六年進士歷祕書正字通判江州鄉剛中稱其性行端嚴文采卓犖而位在其上欲舉以自代良翰字叔倚十五年進士歷官大府寺丞平江府倅

萬志參宋史本傳向子
題傳館閣錄名賢錄

潘時字德鄰良佐子也幼穎悟莊重既孤受業於良貴力學不倦後更游張杪呂祖謙門以良貴任爲登仕郎調分宜簿監造臨安船事皆迎刃解不以上官喜怒爲向背改通直郎差提舉雜買務皇城邏卒挾恃干紀按治其罪不少貸出知興化軍時卽學宮召諸生而教飭之女官道士託妖妄求勅賜表居挾貴者書以撼時不爲動歲旱慮有冤得二人出之立大雨郡故有洋城陳霸二斗門及木蘭陂溉田數萬頃久而壞爲興築牢固會薦饑募客舟予錢轉糴而寬其期俾得以其閒往返一再糴價以平而民不飢人服其有謀奏蠲丁米錢千萬必得請乃已召還

賜對奏言郡縣朝廷根本百姓又郡縣根本本計州縣之事力而一切取辦不擇人才能否而輕以畀之欲本固邦甯得乎力請外乃除提舉浙西茶鹽平江庫錢失漏守誣富室取償時檄罷之守怨陰以禁兵紿白直而誅他司上其事坐削一官尋移江西又徙江東池守趙粹中不法劾去之又移荊湖北路水旱之餘振救曲盡其力改南路刑獄有盜殺人而誣指賈人爲首者白其冤出之除直秘閣知廣州兼安撫廣南東路所部地接郴桂汀漳四州之民歲一踰嶺貿易折閱卽相聚爲盜大羣或至數千人時捕其魁八人斬以徇又得梁氏兄弟號四彪者置之法遂不敢復聚大奚山斗入海中良民以魚鹽爲命寇攘所聚陰募西豪使以捕賊自効由是盜發卽得轉朝議大夫直徽猷閣知潭州安撫湖南飛虎軍驕橫不可制有恃醉挾刃傷人者按軍法治之衆怙然召還進直顯謨閣知太平州未上遷尙書左司郎中以疾辭歸卒年六十三累階中大夫金華開國男時初爲小官卽以治行聞其治郡先教化而於訟獄則會無不謹務施舍而於出納纖細無所遺爲部使者廢置不避權門舉劾不憚大吏至典方面養威特重務存大禮治兵訓士禁奸除暴無一不可爲法有所張弛必先究其利害本末然後出令恥爲

姑息小惠以掠虛譽謂權酷茶鹽非古法不忍盡以律令從事愛民如子馭吏如
僮僕接僚屬如賓友惜官帑如私財治家如公事事有不便於文法輒以身任之
不以累其下是以人樂爲盡力所至稱治嘗自謂吾之爲治主於寬而不使有寬
之名輔以嚴而不使有嚴之迹惟其綱維總攝而脈絡流通是以坐走羣吏而我
常無爲也時稱精吏道而寬猛適宜大小中度者莫能出其右所至必問人才興
學校水旱盜賊必以聞有以祥瑞告者則抑而不省其薦士必閉門草奏雖被薦
者事下然後知雅不信浮屠說著石橋錄以斥其妄既病起居莊敬如常時顧諸
子誦曾子易簣時語而繼娶於上虞李莊簡光因家焉所居有月林書院自爲之
記遺其子友端友恭孫履孫從朱子學及卒朱子志其墓

舊志卷名賢諸公
鄉錄宋元學案

潘友端字端叔時長子年十七卽從張栻呂祖謙游其後又從朱熹學登淳熙甲辰
進士授從事郎爲太學博士潘友恭字恭叔時次子與兄友端同學于朱熹仕明
州司理參軍朱子辭侍從官舉以自代稱其存心懇惻造理精深有孝友廉靜之
目後爲江淮宣撫使潘友文字文叔時之從子象山稱其慈祥懇惻一意師慕善
人服行善事嘉定中官至提舉福建常平茶鹽公事嘗貽朱子書論學有不敢向

外馳不求作空言解會之語亦槐堂之教也潘履孫字坦翁時孫隨父受學於呂祖謙朱熹仕至奉議郎通判江陵府

舊志卷宋元學案合稱續志

呂本中初名大中字居仁其先東萊人自文靖公夷簡官京師隸開封籍本中其四世孫也曾祖公著封中國公祖希哲封榮陽子父好問封東萊郡候建炎南渡好問避地轉徙于筠于邕終于桂州本中始與其弟朔中來居婺遂爲邑人其家雖世顯要皆以政事著至希哲受學於孫復石介胡瑗嗣復從程頤張載游始以理學聞遠近皆師之本中夙承家學繼從游酢楊時尹焞問業而於尹門尤久多識前言往行以蓄其德初由任子累官職方員外郎以不答梁師成大著名紹興六年自直秘閣主管崇道觀召赴行在特賜進士出身擢起居舍人兼權中書舍人七年上幸建康本中奏曰當今之計必爲恢復事業求人才卹民隱審政刑開言路然後練兵謀帥增師上流固守淮甸伺彼有釁一舉可克若邦本未強恐生他患引疾乞祠主管太平觀召爲太常少卿八年遷中書舍人又兼直學士院時趙鼎秦檜並相論議多不諧檜欲排不附己者以遂其專本中爲陳同人于野亨之義不聽又力勸檜不可汲用親黨除目下奏遠之檜強其書行卒不從會哲

宗實錄成忠簡除特進本中草制有曰合晉楚之成不若尊王而賤伯散牛李之黨未知明是以去非檜大怒言於上曰本中受鼎風旨伺和議不成爲脫身之計風御史蕭振劾罷與祠卒于上饒年六十二學者稱爲東萊先生賜諡文清

宋元學案

參東萊公家傳

呂朔中字仁武本中弟嘗從本中游尹焞之門累官駕部員外郎子大器字治先大倫字時敘大猷字允升大同字逢吉並克承家學樂豹隱堂以講習注文定嘗謂時敘貧甚閒廢日久可惜而尤愛逢吉謂其所講釋者莫非前言往行之要大器娶曾文清幾女爲室幾祖母爲清江孔毅父女幾得其學而大器又兼得幾之學焉累官尙書倉部郎中知黃州池州吉州主管台州崇道觀贈朝請大夫

宋元學案

呂祖謙字伯恭大器長子學本家庭得中原文獻之傳長從林之奇汪應辰胡憲游既又友張栻朱熹講索益精初以廕補官後應隆興元年進士試及第仍用開封籍未忘恢復也是年復中博學宏祠科調南外宗學教授乾道三年丁內艱廬墓武義明招山士爭趨從學五年著博議以教六年服闋除太學博士時中都官待次者例補外添差教授嚴州十二月復召爲博士兼國史院編脩官實錄院檢討

官輪對進二劄子一勉孝宗留意聖學一言恢復大事也規模當定方略當審陛下方廣擢豪傑共集事功願精加考察確指經畫之實孰爲先後使嘗試僥倖之說不敢陳於前然後與一二大臣定成算而次第行之則大義可伸大業可復矣七年九月召試館職獨不前期詣學士院求問目而文特典美除正字仍兼編修檢討舊典試禮部得一卷曰此必江西小陸文揭示果然人服其精鑑八年二月丁父憂免喪主管台州崇道觀淳熙二年訪朱熹於寒泉精舍掇周子二程子張子書彙爲近思錄十四篇三年十一月除祕書郎兼官如故以修撰李燾薦重修徽宗實錄書成進秩四年輪對第一劄子言治道體統上下內外不相侵奪而後安鄉者陛下以大臣不勝任而兼行其事大臣亦皆親細務而行有司之事外至監司守令職任率爲其上所侵而不能令其下故豪猾玩官府郡縣忽省部掾屬陵長吏賤人輕柄臣平居未見其患一旦有急誰與指麾而伸縮之耶如曰臣下權任太重懼其不能無私則有給舍以出納焉有臺諫以救正焉有待從以詢訪焉儻得端方不倚之人分處之自無專恣之慮何必屈至尊以代其勞哉人之關鬲脈絡少有壅滯久則生疾陛下於左右雖不勞操制苟玩而弗慮則聲勢浸長